



32 ЖЫЛ КҮТКЕН
АЛТЫН

6-БЕТ | РЕСПУБЛИКА КҮНІ



ШЕШЕДЕН
НЕГЕ ЖЕРІДІК?

10-БЕТ | ҚОҒАМ



СУИЦИДКЕ
СЕБЕП НЕ?

11-БЕТ | ӘЛЕУМЕТ



Қасым-Жомарт ТОҚАЕВ,
ҚАЗАҚСТАН РЕСПУБЛИКАСЫНЫҢ ПРЕЗИДЕНТІ:

Қазіргі геосаяси жағдайда «Бір белдеу, бір жол» бастамасы қажетті халықаралық жобаға және ынтымақтастықтың ірі платформасына айналды. Бұл жоба Қытайдың экономикалық қуатын, сондай-ақ оның жаһандық деңгейдегі жаңа белестерді бағындыруға ұмтылысын көрсетеді. Осы жобаға қатысушы мемлекеттердің бастамалары арқасында Азия, Еуропа және Африканың 150-ден астам елі тарам-тарам теміржолдар желісі, жоғары жылдамдықты күре жолдар және теңіз жолдары арқылы байланыс жасап отыр.

№124
(4557)

Бейсенбі
19 қазан
2023 жыл




ASTANA

ELORDA
AQPARAT
МЕДИА ХОЛДИНГІ

РЕСПУБЛИКАЛЫҚ ҚОҒАМДЫҚ-САЯСИ ГАЗЕТ

A Q S H A M Y

1990 ЖЫЛҒЫ 13 ҚАЗАННАН БАСТАП ШЫҒАДЫ



ЫНТЫМАҚТАСТЫҚТЫҢ ЖАҢА ДЕҢГЕЙІ

Мемлекет басшысы Қасым-Жомарт Тоқаевтың Қытай Халық Республикасына ресми сапары Төраға Си Цзиньпинмен келіссөз жүргізуден басталды. Қытай елінің басшысы Қазақстан Президентін Бейжіңдегі Халық жиналысы үйінде қарсы алды. Мәртебелі мейманның келуіне орай Құрмет қарауылы сап түзеп тұрды. Содан кейін мемлекеттер басшылары өз делегацияларымен бірге Үлкен шығыс залында келіссөз жүргізді.

Қасым-Жомарт Тоқаев Си Цзиньпиннің «Бір белдеу, бір жол» халықаралық ынтымақтастығының III форумына қатысуға шақыруын зор ықыласпен қабыл алып, Қытайға тағы да сапармен келгенін атап өтті.

«Қазақстан Сіздің осы жаһандық бастамаңызға алғашқы күннен бастап қолдау білдірді және оны ілгерілетуге белсенді атсалысып келеді. Осыдан тура 10 жыл бұрын Астанада сөйлеген сөзіңізде Сіздің осы бастама туралы айтқаныңыз есімізде. Орайлы сәтті пайдалана отырып, Сізді осы мегажобаны жүзеге асыру барысында керемет нәтижеге қол

жеткізуіңізбен құттықтаймын және айтулы шараның табысты өтуіне тілектестік білдіремін. Сондай-ақ Сізді Қытай Халық Республикасының құрылғанына 74 жыл толуымен және Ханчжоуда өткен XIX жазғы Азия ойындарындағы Қытай командасының зор жетістігімен құттықтаймын. Біз Қытайдың қарқынды дамуын ерекше ықыласпен бақылап отырмыз. Сіздің дана басшылығыңызбен Қытай әлемдік жетекші державаға айналуына көздеген асқақ мұратына жетуге батыл қадам жасап келеді» деді Президент.

(Соңы 2-бетте)



Сұлтан СЕЙІТ

Республика күні
25
қазан

4

РУХАНИ КЕЛІСІМ – ТАТУЛЫҚ НЕГІЗІ

Қазақ елінің ең бағалы байлығы – бірлігі мен тұрақтылығы. Ал республика жұртшылығы арасындағы рухани келісім бірлік пен тұрақтылықтың тұтқасына айналып отыр. Кеше Бейбітшілік және келісім сарайында өткен халықаралық конференцияда қазақ елінің береке-бірлігі айшықталды.



«ASTANA
AQSHAMY»
ГАЗЕТІНЕ ЖАЗЫЛУ
ЖҮРІП ЖАТЫР



Еуро-2024 турниріне іріктеу аясында Қазақстан ұлттық құрамасы Финляндияға қонаққа барды. Хельсинки қаласында өткен матчта қазақ футболшылары 2:1 есебімен жеңіске жетті. Осы ойынға дейін қос құраманың ұпайы тепе-тең болатын. Қайсысы ұтады, сол команданың Еуропа чемпионатына қатысу мүмкіндігі арта түсетін еді...

ҰТЫЛЫП ТҰРЫП,
ҰТТЫҚ!

16

АУҚЫМДЫ КӨРМЕ ӨТЕДІ

Бас қалада 19-21 қазан күндері ЕХРО халықаралық көрме орталығында Орталық Азиядағы ең ірі аграрлық көрме өтеді.

«KazAgro/KazFarm-2023» іс-шарасында аграрлық ғылымның соңғы әлемдік жетістігін енгізуге ықпал ететін жетекші әлемдік агроконцерндердің бірқатар ауыл шаруашылығы техникалары мен жабдықтары, инновациялық технологиялар мен аграрлық секторды дамыту бағдарламалары ұсынылады. Көрмеге әлемнің 20-дан астам елінен 300-ге жуық компания мен ұйым қатысады деп күтіліп отыр. Көрме бүгін сағат 11:00-де ресми түрде ашылады.



Республика күні
25
қазан
МЕРЕКЕЛІК
ІС-ШАРАЛАР
БАСТАЛДЫ

Елордада Республика күні мерекесіне арналған 200-ге жуық іс-шара өтеді.

Астана мектептерінде ұлттық мерекеге арналған ашық сабақтар, концерт бағдарламалары мен дөңгелек үстелдер басталып кетті. Елордалық оқушылар мерекелік акцияларды әлеуметтік желілерде жариялай бастады. Видеороликтерде оқушылар салтанатты және шығармашылық іс-шараларды көрсетіп, педагогтармен бірге мемлекеттік мерекелердің маңызын талқылауда. Сондай-ақ бас қалада мереке қарсаңында әлеуметтік-қайырымдылық және мәдени-спорттық шаралар да өтеді.



ВАЛЮТА
БАҒАМДАРЫ

€ EUR/KZT 502.21 \$ USD/KZT 476.98 ₰ RUB/KZT 4.91 ¥ CNY/KZT 65.28

@NurSultanNewsBot | t.me/elordainfo

www.astana-akshamy.kz

№124 (4557) 19/10/2023 Бейсенбі

3 ЖЫЛДА – 3 МЫҢ ПӘТЕР

Алдағы үш жылда бас қаладағы апатты үйлердің тұрғындары үшін 2,5 мыңнан 3 мыңға дейін пәтер салу жоспарланып отыр. Бұл туралы қала әкімі Жеңіс Қасымбек мәлім етті.



«Баспана мәселесі – тұрғындарымыздың басты проблемасының бірі. Бұл қиындықты шешу үшін әлеуметтік тұрғын үй саламыз, апатты жағдайдағы ескі тұрғын үйлерден көшіреміз, құрылысы ұзаққа созылған тұрғын үй кешендерінің құрылысын аяқтаймыз және тағы басқа іс-шараларды атқарамыз. Апатты жағдайдағы тозығы жеткен үйлерден 330-ға жуық отбасы жаңа тұрғын үй кешеніне қоныс аударды. Олар – апатты күйдегі 18 үйдің тұрғындары. Жыл соңына дейін тағы екі апатты үйдің тұрғындарын көшіруді жоспарлап отырмыз. Апатты үйлердің тұрғындары үшін алдағы үш жылда 2,5 мыңнан 3 мыңға дейін пәтер салуды жоспарлап отырмыз» деп жазды Жеңіс Қасымбек әлеуметтік желідегі парақшасында.

РУХАНИ КЕЛІСІМ – ТАТУЛЫҚ НЕГІЗІ



Кеше Астанада 18 қазан – Рухани келісім күні және 25 қазан – Республика күніне орай «Рухани келісім – қазіргі қоғамдағы бейбітшілік пен бірліктің негізі» тақырыбында халықаралық конференция өтті.

Қалиакбар ҮСЕМХАНҰЛЫ

Астана қаласының әкімдігі, «Н.Назарбаевтың конфессияаралық және өркениетаралық диалогты дамыту орталығы» КЕ АҚ, сондай-ақ, Астана қаласының Діндерді зерттеу орталығы ұйымдастырған бұл шараға Астана қаласы мәслихатының төрағасы Ерлан Каналимов, Астана қаласы әкімінің орынбасары Есет Байкен, Рухани келісім күні идеясының авторы, ҚР еңбек сіңірген қайраткері Төлеген Мұхамеджанов және діни бірлестіктердің басшылары, сондай-ақ, АҚШ, Ливан, Үндістан, Швейцария, Германия, Ресей және Қырғызстан елдерінен келген қонақтар қатысты.

– Қазақстанда діни сенім бостандығына кепілдік берілген. Бұл туралы Ата заңымызда, сондай-ақ, діни қызмет және бірлестік туралы заңнамада нақты айқындалған. Елімізде түрлі ұлт пен дін өкілдерінің құқығы тең қаралып, рухани тұрғыдан қатар дамуына мүмкіндік берілді. Соның негізінде елімізде 18 конфессияның доктрина-

сы қалыптасып, қоғамда орнықты. Қазақ халқының салт-дәстүрі мен әдет-ғұрпы дінмен ұштасқан. Салиқалы өмір сүру, ұрпақты дұрыс тәрбиелеу, келер ұрпаққа үлгі-өнеге көрсету дін мен дәстүріміздің өзара сабақтасқан ерекшелігі деп айтуға болады. Рухани келісім, ұлттар мен дәстүрлі діндер арасындағы бірлік – біздің баға жетпес байлығымыз, тұрақтылық тұғырымыз. Елдің әлеуметтік-экономикалық көрсеткіші халықтардың татулығын тұғыр етіп, дами түседі. Өзгеріске толы әрі белгісіздік белең алған қазіргі таңда бүгінгі басқосудың мән-маңызы айрықша, – деді Ерлан Каналимов.

«Татулық, береке, бірлік ұйғыған елге бақ қонады» деп сөз бастаған қала әкімінің орынбасары Есет Байкен қазақ қашанда бірлікті ту еткен халық екенін айрықша атап өтті.

«Майқы бидің «Алтау ала болса, ауыздағы кетеді. Төртеу түгел болса, төбедегі келеді» деген нақыл сөзі қанша ғасыр өтсе де өз құнын жойған жоқ. Халқымыз үшін береке-бірліктің маңызы қашанда зор. Сол себепті елімізде 130-дан астам ұлт пен ұлыстың

бейбітшілікте қатар өмір сүруі мен дінаралық келісімнің әдемі көрінісін бүкіл әлемге танытып келеміз. Мемлекет басшысы Қасым-Жомарт Тоқаев «Халқымыздың ынтымақ, бірлігі бұл тағдырдың бере салған сыйы емес, бұл, ең алдымен, жұртымыздың күнделікті табанды еңбегінің арқасы екенін дұрыс түсінудіміз керек. Сондықтан біз бірлігімізді күн сайын нығайтып отыруымыз қажет, яғни татулық пен келісім халқымыздың өмір салтына айналуы тиіс» деп айтқан болатын. Демек, біз үшін татулықтан өткен берік тұғыр жоқ» деді әкім орынбасары.

Еске сала кетейік, 1992 жылы 18 қазанда Алматыда Бірінші дүниежүзілік рухани келісім конгресі өтті. Адамзат тарихында тұңғыш рет барлық діндердің, бітімгершілік қозғалыстар мен қоғамдық ұйымдардың өкілдері, руханият пен адам өмірінің мәселелеріне алаңдайтын белгілі ғалымдар мен мәдениет қайраткерлері бір үстел басына жиналды. Осы жиналысқа қатысушылар 18 қазанды Рухани келісім күні – қақтығыстар мен қақтығыстарға мораторий күні, адамдар арасында өзара түсіністік орнату күні, мейірімділік пен көршісіне көмек күні деп жариялады. Содан бері Қазақстанда жыл сайын 18 қазан – Рухани келісім күні, әлеуметтік маңызы бар күн. Ал конференция соңы салтанатты концертке ұласты.

ҚАЛА КІТАПХАНАЛАРЫНА ҚОЛДАУ

Астана қаласы мәслихатының төрағасы Ерлан Каналимовтың айтуынша, жөндеу жұмысы 18 кітапхананың төртеуінде басталды. Бұл – орталық балалар мен жасөспірімдер кітапханасы, №3, №4 балалар кітапханасы мен зағип және нашар көретін азаматтарға арналған мамандандырылған кітапханалар.

– Кітапханаларда жұмыс кеңістігі айтарлықтай өзгереді. Олар коворкингке, тыныш және балалар аймақтарына бөлінеді. Сонымен қатар компьютерлік

зертханалар пайда болады. Ал ыңғайлы болу үшін бұл аймақтар заманауи жиһаздармен жабдықталады. Кітапханаларда жоғары жылдамдықты интернетке,

электрондық базаларға қолжетімділік қамтамасыз етіледі. Мамандандырылған бағдарламалық қамтамасыз ету мен жабдықтары бар компьютерлер сатып алу жоспарлануда. 4 кітапхананы жаңғырту биыл аяқталады, – дейді мәслихат төрағасы.

Оның сөзінше, елорда тұрғындарының өтініші бойынша қаланың шағын аудандарында жаңа заманауи кітапханаларды ашу үшін 4 ғимаратты елорда әкімдігінің орталықтандырылған кітапхана жүйесі балансына беру мәселесі пысықталуда.

Президент Әкімшілігімен және қалалық мәслихат депутаттарының келісімімен Талғат Рахманберді Астана қаласы Байқоңыр ауданының әкімі қызметіне тағайындалды.

АУДАН ӘКІМІ ТАҒАЙЫНДАЛДЫ



Еңбек жолын 2004 жылы «Жамбыл облысының студенттер мен жастар одағы» жастар қоғамдық бірлестігінен бастады. Әр жылдары «Астана қаласының студенттік құрылыс және жастар еңбек жасақтарының штабы» қоғамдық бірлестігін басқарып, ҚР Бас прокуратура институты қылмыстық процестің

және жедел-іздіксіз қызметінің заңдылығын қадағалау бойынша біліктілікті арттыру бөлімінде аға прокурор, Астана қаласы Жастар саясаты мәселелері басқармасының басшысы, т. б. қызметтерді атқарды.

2016 жылдың сәуірінен 2019 жылғы наурызға дейін Астана қаласы Сарыарқа ауданы әкімінің орынбасары, 2019 жылғы сәуірден бастап Астана қаласы әкімінің аппараты басшысының орынбасары болып жұмыс істеді.

Соңғы жылдары Астана қаласының Қоғамдық даму басқармасын, Астана қаласының Ішкі саясат басқармасын басқарып, қала әкімінің кеңесшісі болып жұмыс істеді.

Астана әкімі Жеңіс Қасымбек Мемлекет басшысының тапсырмалары аясында аудан мен елді мекендерді дамыту бойынша бірқатар міндет жүктеді.

«ЖЕДЕЛ ЖӘРДЕМГЕ» ҚОСЫМША КӨМЕК ҚАЖЕТ


Астана қаласы мәслихатының депутаттары елордадағы жедел медициналық жәрдем қосалқы стансаларын аралап, олардың жағдайымен танысты. Соның ішінде бес қосалқы стансаға барып, қызметкерлермен әңгімелесті, автопарктың жай-күйін білді.

«Біздің қала қарқынды дамып келеді және қазіргі таңда мектептер мен ауруханаларға қоса жедел медициналық жәрдем стансаларын салуды да аса қажет етеді. Бүгінгі таңда көптеген нысан күрделі жөндеуді немесе жеке тұрған ғимараттарды талап етеді. Мысалы, Байқоңыр ауданында орналасқан А.Жұбанов көшесі, 10А мекенжайындағы жедел жәрдем қосалқы стансасы» деді қалалық мәслихат төрағасы Ерлан Каналимов.

Оның айтуынша, бірқатар нысан көппәтерлі тұрғын үй кешендерінің 1-қабатында орналасқан. Ал бұл жағдай, ең алдымен, тұрғындардың тоқтаусыз шағымына, арнайы көлік жүргізушілерінің демалуына арналған бөлмелердің болмауына әкеліп соғып жатыр.

– Әр ауданда үлкен жедел жәрдем стансаларын ашу қажет. Қосалқы стансаның жалғыз үлгілік ғимараты Есіл ауданында орналасқан, қалған

үш қосалқы станса Сарыарқа, Алматы, Байқоңыр аудандарының бейімделген ғимараттарында орын тепкен. Бригадалардың барлық 10 пункті жалға берілетін үй-жайларда орналасқан. Жеке мәселе – жедел жәрдем көлігінің жетіспеуі. Өткен жылы олар лизингке алынды, бірақ халықтың көбеюіне байланысты қазір жеткіліксіз. Бүгінде халыққа жедел медициналық көмек көрсету үшін 90 орташа тәуліктік бригада бар, олардың орташа тәуліктік жүктемесі 18 шақыруды құрайды. Осы және басқа да мәселелерді біз жақын арада қарастырамыз және әкімдікпен бірлесіп әзірленген алдағы 3 жылға арналған «Елордамызда денсаулық сақтауды дамытудың кешенді жоспары» шеңберінде шешетін боламыз. Осы жоспар аясында Ы.Дүкенұлы көшесіндегі жедел жәрдем стансасын күрделі жөндеуге қаражат бөлінді, – деді Ерлан Каналимов.





Жолаушылар мен жүк пойызының жүрісі тоқтамайтын мекенде 13 мыңнан астам халық тұрады.

Тұрғындардың сөзінше, бұл жерде бастапқыда стансада жұмыс істейтін теміржолшылар ғана өмір сүрген. Бірақ, бүгінде елді мекенде халық саны артып, жаңадан үйлер соғылған.

Көшелер арасымен жүре келе алдымыздан орта мектептің ғимараты көрінді. Мектеп оқушыларын кездестіріп, тұрғын алапта қалай тұрып жатқандарын сұрадық.

– Мен осы №29 мектепте оқимын. Бастысы, су мен асфальтталған жол бар. Мектепке велосипедпен зыр етіп келеміз. Бізде көше жарығы қойылған, бірақ мен тұратын шеткі аймақта жоқ. Енді жарық жоқ жерлерге көше шамдарын қойса жақсы болар еді, – деді топ бала ішінен бір оқушы.

Елді мекендегі білім ордасының іргетасы 1946 қаланған. Мектеп директоры Айжан Мәметханнның сөзінше, мектепте 1179 оқушы бар. Қазақ-орыс тілдерінде білім беретін мекеме 2013 жылы жаңа үш қабатты ғимаратқа көшкен.

Өздеріңіз көріп тұрғандай, біздің мектеп ғимараты жаңадан салынған. Мұғалімдер жеткілікті, барлығы 82 мұғалім жұмыс істейді. Олардың көбі қала жақтан келеді. Ал оқушыларымыздың басым бөлігі осы тұрғын алапта тұрады. Білім ошағында жаңа әрі заманауи негізде жабдықталған 2 компьютерлік сынып бар. Мектеп ішінде түрлі тегін үйірмелер

«ТЕМІРЖОЛШЫЛАР» ТҰРҒЫН АЛАБЫ 60 ПАЙЫЗ ГАЗБЕН ҚАМТЫЛҒАН

Елорда іргесінде орналасқан «Теміржолшылар» кентін тұрғындар баяғыша «Қырқыншы» деп атап жүр. Стансаға байланысты «Теміржолшылар» тұрғын алабы болып кеткен. Elorda.info тілшісі елді мекенге барып, өмір сүруге қаншалықты қолайлы жағдай жасалғанын біліп қайтты.



Оңалхан ӨНЕРХАН

мен балалардың өзін-өзі басқару клубтары жұмыс істейді. Биылдан бастап бірінші сынып оқушылары ата-анасымен бірлесіп ағаш отырғызу үрдісін бастады. Осы негізде мектеп ауласында «Бірінші сыныптар

аллеясы бар, – деп жауап берді №29 орта мектептің директоры Айжан Мәметхан.

Елді мекен туралы толық ақпарат білу үшін Алматы ауданы әкімінің бас инспекторы Еркебұлан Өмірбекке хабарластық. Телефон арқылы жауап беруге келіскен инспектор алдымен тұрғын алаптағы әлеуметтік нысандар туралы мәлімет берді.

– Тұрғын алапта бір орта мектеп пен 3 балабақша бар. Сондай-ақ Оқушылар сарайының филиалы да орналасқан. Онда 20 түрлі спорт үйірмелері бар. Жақында Ақтасты және Горький көшесінің қиылысында 1 мың баланы қамтитын Дене шынықтыру-сауықтыру кешені ашылады. Тұрғын алаптың өз ішінде №11 қалалық емхана бар. Ол толықтай жөндеу жұмыстарынан өткен, – деп жауап берді бас инспектор.

Еркебұлан Өмірбектің сөзінше, тұрғын үйлердің жартысынан

астамы газдық жылу желісіне өткен.

Биыл инвесторлар қолдауымен 15 үйді тегін газбен жабдықтау жұмысы жүргізілді. Жалпы тұрғындардың 60 пайызы үйін газбен жылытып отыр. Көшелерге жарық қойылып, арық та қазылған. Осы жылы қосымша 700 метр арық жүйесі абаттандырылды. Нәтижесінде жаңбыр жауса немесе көктемде қар ерісе су басу қаупі жоқ. Айта кету керек, қалалық Көлік және жол-көлік инфрақұрылымын дамыту басқармасымен бірлесіп, барлық 19 көшені жөндеу жұмысы жоспарланған. 2022-2027 жылдар аралығын қамтитын жобаға қазір түзету жұмыстары жүргізіліп жатыр. Жоспар бойынша 2024 жылдың бірінші тоқсанында нақты жоба дайын болады. Бүгінде Екібастұз көшесіне жөндеу жүргізілді. Қалған көшелерге жол шұңқырын жабу жұмыстары

жасалды, – деп атап өтті ол.


Қазіргі таңда елді мекенде талшықтық оптика жүйесі тартылып, тұрғындардың 40 пайызы сапалы интернетпен қамтылған.

Тұрғын алап тіршілігін қарап жүргенде қоғамдық көліктердің бірінен кейін бірі жүріп жатқанын байқадық. Бас инспектордың мәліметінше, елді мекенде №15, 15а, 22, 22а бағыттарындағы автобустар қатынайды. Жыл соңына дейін олардың аялдамаға келу уақытын азайту мақсатында қосымша автобус қосу жоспарланып жатыр екен.

Бас инспектордан елді мекен туралы жалпылама ақпарат білген соң, тұрғындармен тілдесуді жалғастырдық. «Теміржолшылар» кенті қаншалықты өмір сүруге қолайлы екенін білу үшін дүкеннен шыққан әжені байқап, әңгімеге тарттық. Құлсара апаның елді мекенге көшіп келгеніне әлі бір ай да толмапты.

Біз бұл жаққа осы айдың басында көшіп келдік. Оның алдында Көктал-1-де тұрдық. Енді ғана көшіп келген соң, көп ешнәрсе айта алмаймын. Бірақ, байқағанымдай, кей көшелерде жарық болмай қалады. Қаламен іргелес тұрған соң, көшелерінде шамдары жарқырап тұрса дейміз. Әсіресе, кешқұрым мектептен қайтатын оқушылар бар. Елді мекен ішіне газ тартылған. Сондықтан жылуға қатысты айтарлықтай мәселе көрген жоқпын, – деп жымиып жауап берді алап тұрғыны.

Жұмыс күні болған соң



ба, әйтеуір, көше тым тырыс. Тұрғын үйлердің басым көпшілігі жаңадан салынғаны көрініп тұр. Сондай-ақ жүре келе оңды-солды шашылып жатқан қоқысты да көрмедік.

Бас инспектор мәліметінше, №29 мектеп ауласында көктемде 300-ге жуық алма ағашы отырғызылған. 2024 жылы көктемде тағы қосымша ағаш отырғызуды жоспарлап отыр.

Тұрғын алапта Иманақ көшесінде 2021 жылы салынған саябақ бар. Сондай-ақ Маяковский көшесінде тағы бір гүлзар орналасқан. Елді мекенде футбол және бұлдіршіндерге арналған ойын алаңдары да бар.

Елімізде 2021 жылдан бері «Қуатты өңірлер – ел дамуының драйвері» ұлттық жобасы жұмыс істеп жатқаны белгілі. Жоба мақсаты бойынша ел халқының негізгі қажеттіліктерге теңдей қол жеткізуді қамтамасыз ету қажет. «Теміржолшылар» тұрғын алабының тыныс-тіршілігімен таныса келе, ұлттық жобаның іске асып жатқанын байқауға болады. Елорда орталығынан алыстау орналасқан демесеніз, бұл жерде тұрғындардың өмір сүруіне қолайлы барлық жағдай жасалғанын көріп қайттық.

Зарина
СӘРСЕНБАЙҚЫЗЫ

КҮБӘН ӘЖЕНІҢ ҚУАНЫШЫ

Жақында елордада кезекте тұрған отбасыларға пәтер кілті табысталды. Сондай қуанышқа кенелген шаңырақтың бірі – Күбән әжеміздің отбасы. Біз қуаныш иелеріне құтты болсын айтып барып, кейуананы әңгімеге тарттық.

Нұрлат
БАЙГЕНЖЕ

– Бұл аталарың Майқанның аманаты ғой! Тірі кезімде жаңа пәтерді көргеніме шын қуандым. Астананың басшыларына рақмет! – дейді апамыз.

«Майқанның аманаты» дегенді немересі Талғар Мырзабек түсіндіріп берді. Бұған дейін елорданың

іргесіндегі Қызылжар ауылында тұрады. Содан шаңырақ иесі Майқан атамыз қалада қолымызды ыстық суға салып, күтпейік деген мақсатпен баспана кезегіне тұрады. Бұл 2008 жыл болатын. Содан күн артынан күн өтіп, уақыт зымырап өте береді. 2014 жылы атамыз бақилық болып, тұрғын үй кезегіндегі кезектілік әжемізге ауысады.

Биыл Күбән әжеміз сүйінші жаңа-

лықты естігенде не сенерін, не сенбесін білмейді. Қолындағы қызы Жанат бас қаладағы Нұрғиса Тілендиев көшесі 44/2 мекен жайындағы көп қабатты тұрғын үйге апарып, жаңа пәтерді ашқанда ғана шүкіршілігін айтып, басшыларға алғысын жаудырады.

– Екінші қызым Жанаттың қолында тұрамын. Қартайғанда өзіңнің жылы үйіңе кіріп-шығып жүргенге не жетеді? Бұл отағасымың арманы еді. Орындалды! Шүкір, бұл күнге мен жеттім. Үкіметке, қаланың басшыларына рақмет! Еліміз тыныш, жеріміз бүтін болсын, – дейді қуаныш иесі.


Сөйтіп, баспана кезегінде тұрған 82 жастағы әжеміз пәтерлі болды.

Биыл Астанада 6,5 мың әлеуметтік пәтер салынады деп жоспарланған еді. Міне, Күбән әжеміздің қуанышы – сондай игілікті істің нәтижесі.

Биыл республика бойынша баспана кезегінде тұрған адамдардың саны 647 мыңнан асты. Бірақ олардың арасында заң талаптарына сай келмейтін азаматтар да аз емес. Осыны жан-жақты зерделеген Индустрия және құрылыс министрлігі баспана кезегінде тұрған 223 мың үміткерді тізімнен шығаруды ұйғарды. Өйткені олардың арасында жеке баспанасы бары анықталды. Яғни баспанаға тезірек қол жеткізуге жол ашылды.



АСҚАР ЗАБИКУЛИН КӨШЕСІ АШЫЛДЫ



Құтқарушылар күні қарсаңында Астана қаласы Үркер шағын ауданында өрт сөндіруші, I дәрежелі «Айбын» орденінің иегері Асқар Забикулиннің аты берілген көше ашылды.

Астана қаласы Төтенше жағдайлар департаменті өрт сөндіру және авариялық-құтқару жұмыстары қызметі жедел

кезекшісінің көмекшісі Асқар Забикулин былтырғы күзде өрт сөндіру кезінде 3 адамның өмірін құтқарып, алған ауыр жарақаттан

20 қараша күні ауруханада көз жұмды. Оның артында жұбайы мен екі баласы қалды.

Мемлекет басшысының тапсырмасы бойынша Астана қаласы мәслихатының 2023 жылғы 19 қаңтардағы шешімімен елордадағы көшелердің біріне ержүрек өрт сөндірушінің есімі берілді.

Көшенің ашылуына Асқар Забикулиннің туыстары, зайыбы мен балалары, азаматтық қорғау органдарының ардагерлері, Астана қаласы Төтенше жағдайлар департаменті басшылығы мен жеке құрамы қатысты. Іс-шара барысында ағаш отырғызылды.

Бейбіт күн батырының есімін елдің есінде мәңгі есте қалдыру мақсатында «Қаһарман» телехикаясы түсіріліп, өткен айда «Астана» телеарнасынан көрсетілді. Сондай-ақ елордадағы №6 өрт сөндіру бөліміне Асқар Забикулиннің аты берілді.



ҚАУІПСІЗДІК КҮЗЕТІНДЕ

Бүгін елімізде Құтқарушылар күні атап өтіледі. Соған орай Астана қаласы Коммуникациялар қызметінің алаңында қалалық Төтенше жағдайлар департаменті мемлекеттік өрт бақылау басқармасының бастығы Еркін Отарғалымның баспасөз мәслихаты өтті.

– 1995 жылы 19 қазанда Қазақстан Республикасы Президентінің Жарлығымен елімізде Төтенше жағдайлар мемлекеттік комитеті құрылды. Түрлі кәсіптердің өкілдері сияқты халықты, республика өңірлерін және оның объектілерін табиғи және техногендік сипаттағы төтенше жағдайлардан қорғауды қамтамасыз ететін мемлекеттік жүйе қызметкерлерінің де атап өтілетін өздерінің кәсіби мерекесі бар. Биыл тәуелсіз Қазақстанның төтенше жағдай қызметінің құрылғанына 28 жыл толып отыр, – деді Еркін Отарғалымұлы.

Оның айтуынша, қазіргі таңда Төтенше жағдайлар министрлігі мен оның комитеттерінің елімізде 100-ден астам ведом-



стволық бағынысты ұйымдар бар. Құтқарушылардың жалпы саны – 28 мыңнан астам адам. Күн сайын олар адамдарды құтқару үшін 200-ге жуық шығу жасайды. Шақырулардың жартысына жуығы өрттердің орын алуына байланысты. Кәсіби мерекеге орай спорттық турнирлер ұйымдастырылады.

Астананың Төтенше жағдайлар департаментінде тиісті дәстүрлер қалыптасты. Қазіргі уақытта елорданы өртке қарсы қорғауды 18 өрт сөндіру бөлімшесі іске асырады. Астана қаласының әкімдігі 5 өрт сөндіру депосын салу бойынша жұмыстарды жалғастырып жатыр.

Олар Көктал, Үркер, Интернациональный, Тельман тұрғын алаптарында және №28 көшеде салынып жатыр. 7 нысанды реконструкциялау бойынша жұмыс жүргізілуде.

Қаланың Төтенше жағдайлар департаментінде 205 техника бар. 2021 жылы қала әкімдігі 2,5 млрд теңгеге 48 негізгі және арнайы техника сатып алды. Бүгіндері департаменттің техникасы мен материалдық-техникалық жарақтануы 100 пайызды құрайды. Қазір елорданың қауіпсіздік күзетінде 2 мыңнан астам қызметкер еңбек етіп жатыр.

Статистиканы сөйлетсек, Астананың гарнизон бөлімшелері жыл сайын орташа есеппен 4 мыңнан астам сапар жасайды, 600-ден астам өртті жояды, 1 мыңнан астам адамды құтқарып, эвакуациялайды. Кезекші тәулігіне 101 және 112 қызметтеріне мыңнан астам қоңырау қабылдайды. Осы жылдың тоғыз айының қорытындысында дабыл бойынша 4200-ден астам шығу жасады. 257 адам құтқарылып, қауіпсіз аймаққа 357 адам эвакуацияланды. Биыл астаналық құтқарушылар Қостанай, Абай облыстарындағы және Павлодар облысындағы «Ертіс» орманы өртіне қарсы күресте көмек көрсетті. Жер сілкінген Түркияға барды.



Кеше Астананың «Құтқарушылар» аллеясында қаза тапқан қызметкерлерді еске алу рәсімі өтіп, гүл шоқтары қойылды. Шараға Төтенше жағдайлар министрлігі Сырым Шәріпханов, Астананың Төтенше жағдайлар департаменті басшылары және қызмет бабында қаза тапқан қызметкерлердің жақындары қатысты.

ӨЖЕТ ҚЫЗМЕТКЕРЛЕРДІ ЕСКЕ АЛДЫ

– Құтқарушылар күнінің қарсаңында осындай еске алу шарасын өткізіп отырмыз. Тәуелсіздік жылдарында 69 өрт сөндіруші, құтқарушы, офицер, сержант зардап шеккен халыққа көмектесіп, қызмет барысында ерлікпен қаза тапқан. Ерлікпен қаза тапқандар мәңгі ел есінде қалады. Біз әрдайым уақытында көмек көрсетуіміз керек және

төтенше жағдайдың алдын алуымыз қажет, – деді министр.

Сондай-ақ Сырым Шәріпханов алда келе жатқан мерекемен құттықтады.

– Құрметті әріптестер! Сіздерге зор денсаулық пен жақсылық тілеймін! Жұмыстарыңыз алға берсін. Біз құтқару жұмысынан бұрын алдын алу жұмысына көбірек

көңіл бөлуіміз керек. Бастысы, еліміз гүлдене берсін! Төтенше жағдайлар болмасын! – деп сөзін түйіндеді Сырым Шәріпханов.

Іс-шара соңында азаматтық қорғау органдарына жаңадан келген қызметкерлердің ант қабылдау рәсімі өтті.

Сабина КӘКІМЖАН

ЖАС ҚҰТҚАРУШЫЛАР ЖАРЫСЫ

Құтқарушылар күніне орай елорданың Vinom мектептері арасында «Жас құтқарушылар» зияткерлік сайысы өтті. Білім беру ұйымдарында төтенше жағдайлар кезінде балалар мен жасөспірімдердің қауіпсіздігін қамтамасыз ету мақсатында ұйымдастырылған іс-шараны Есіл ауданы әкімдігі мен Есіл ауданы Төтенше жағдайлар басқармасы бірлесе ұйымдастырды.

Индира БЕРЖАНОВА

Зияткерлік сайыс 5 оқушыдан құралған 6 топтың басын қосты. «Таныстыру», «Брейн-ринг», «Мен құтқарушымын», «Не? Қайда? Қашан?» атты 4 кезек бойынша қатысушылар білімдерін ортаға салды. Әр команда топ атауы мен өз ұрандарын да дайындап келген.

– Интеллектуалды сайыс бірінші кезекте құтқарушылар күніне орай өткізілді. Бұл жарыс балалардың төтенше жағдай болған сәтте өзін-өзі қалай ұстау керек екенін, әрі зардап шеккендерге алғашқы медициналық көмек көрсетуді дұрыс үйретуге бағытталды. Биыл сайыс ойын-сауық форматында өткізілуімен ерекшеленді, – деді өз сөзінде Есіл ауданы әкімінің орынбасары Дәрменияр Қыдырбекұлы.

Доғаға сақадай сай дайындалған қатысушылар алғашқыда өздерін таныстырып, кейін өрт қауіпсіздігі, төтенше жағдайлар кезінде әрекет ету дағдылары, құтқарушы мамандығының

бағыттары бойынша сұрақтарға жауап берді. Ал үшінші кезекте алғашқы көмек көрсету бойынша практикалық тапсырмаларды орындады. Соңғы кезекте Төтенше жағдайлар министрлігі өкілдерінің бейне сұрақтарына жауап берді.

Есіл ауданы Төтенше жағдайлар басқармасының бастығы Талғат Каерлиновтің айтуынша, зияткерлік сайыстар қала мектептерінде тұрақты түрде өткізіледі.

«Білім беру объектілерінде профилактикалық іс-шараларды ұлғайту мақсатында Vinom мектептері арасында викторина ұйымдастырылды. Сайыс жоғары сынып оқушылары арасында өтті. Себебі 9-11 сынып оқушылары төтенше жағдай саласына осы бастан-ақ қызығып, түрлі жағдайларда әрекет ету жолын зерттей түседі. Айта кететіні, биыл оқыту әдісі өзгертілді. Оқушылар өзара бәсекелесіп, теориялық тұрғыда білімдерін жетілдіреді» деді Т.Каерлинов.

Сайыс қорытындысы бойынша іс-шараға белсене қатысқаны үшін Қадыр Мырза

Әли атындағы Vinom.School мектеп-лицейі, Әбіш Кекілбаев атындағы Vinom.School мектеп-лицейі және Ахмет Байтұрсынұлы атындағы Vinom.School мектеп-лицейі марапатталды. Ал 3-орын Қаныш Сәтбаев атындағы Vinom.School мектеп-лицейіне, 2-орын Әлихан Бөкейхан атындағы Vinom.School мектеп-лицейіне және 1-орын Ыбырай Алтынсарин атындағы Vinom.School мектеп-лицейіне табысталды. Жеңімпаз командаларға арнайы сыйлықтар мен кубоктар берілді.

«Мектеп оқушылары қазіргі таңда күнделікті тұрмыста қандай да бір оқиға оқиға болғанда қалай дұрыс әрекет ету керектігін білмейді. Сондықтан бұл сайыс оқушылар үшін қажет деп ойлаймын. Біз «Алғашқы әскери дайындық» сабағы барысында төтенше жағдай саласын тереңірек меңгеріп, адам өміріне жауапкершілікпен қарауға үйренеміз» деді Ыбырай Алтынсарин атындағы Vinom.School мектеп-лицейінің оқушысы Нүрліяс Тоқтаров.



14 ТЕЛЕБАҒДАРЛАМА

№124 (4557) 19/10/2023 Бейсенбі

ДҮЙСЕНБІ

23 ҚАЗАН

QAZAQSTAN

6:00 Әнұран
6:05 «Жәдігер»
6:30 «Күй-керуен»
7:00 «ТАՒШОЛПАН».
10:00 AQRARAT
10:10 «Қилы күндер», Телехикая.



"ХАБАР" АГЕНТТІГІНИ ҚҰРЫЛҒАН КҮНІ

05:00 «ПАРИЖ ПОДОЖДЕТ»
07:00 ТИКЕЛЕЙ ЭФИРДЕ "ОЯНИ"
10:00 «МЕКТЕП»
10:30 «КОРОЛЬ ОБЕЗЬЯН»
12:00 ТЕЛЕХИКАЯ. "ТАҒДЫРҒА СЕН"



06.00 «Ене» үнді телехикаясы
06.20 «Қара шаңырақ» телехикаясы
07.20 «Маша и медведь» Мультфильм



6:00 «ПРАВДА О ДЕЛЕ ГАРРИ КВЕБЕРТА»
7:00 «ПАУТИНА» бағдарламасы
8:00 «ҚАЙЫРЛЫ ТАҢ, ҚАЗАҚСТАН!»



07.05 «ДАУ-ДАМАЙСЫЗ» (қайталау)
07.30 «ЖИМАУДЫҢ ЖЕТІСТІГІ»
08.10 «УЛЫ ТАМШЫЛАР»



06:00 Эзіл студио
06:30 What's up?
07:00 «Kuyin All»
07:40 BalaFunny



06:00 Т/п «Қуырдақ»
07:00 Т/х «Тақиясыз періште»
07:30 Т/п «Айнаопліне»

06.00 «Ене» үнді телехикаясы
06.20 «Қара шаңырақ» телехикаясы
07.20 «Маша и медведь» Мультфильм



07.00 «Разминка» (каз/рус)
07.15 «INSTA LIKE» (каз.)
08.00 Телехикая «Бақытсыздар бағы»

СЕЙСЕНБІ

24 ҚАЗАН

QAZAQSTAN

6:00 Әнұран
6:05 «Жәдігер»
7:00 «ТАՒШОЛПАН».
10:00 AQRARAT



05:00 ТЕЛЕХИКАЯ. "ПӘЛЕНШЕВТЕР 4"
07:00 ТИКЕЛЕЙ ЭФИРДЕ "ОЯНИ"
10:00 "ШКОЛА"
10:20 "ЕГЕМЕНДІКТИҢ БАСТАУЫ"



06.00 «Ене» үнді телехикаясы
06.20 «Қара шаңырақ» телехикаясы
07.20 «Маша и медведь» Мультфильм



6:00 «ПРАВДА О ДЕЛЕ ГАРРИ КВЕБЕРТА»
7:00 «ПАУТИНА» бағдарламасы
8:00 «ҚАЙЫРЛЫ ТАҢ, ҚАЗАҚСТАН!»



07.05 КЕШКІ ЖАҢАЛЫҚТАР (қайталау)
07.30 "ЖИМАУДЫҢ ЖЕТІСТІГІ"
08.10 "УЛЫ ТАМШЫЛАР"
09.20 ВЕЧЕРНИЕ НОВОСТИ (повтор)



06:00 Эзіл студио
06:30 What's up?
06:40 Информбюро (повтор)
07:40 BalaFunny



06:00 Т/п «Қуырдақ»
07:00 Т/х «Тақиясыз періште»
07:30 Т/п «Айнаопліне»
08:00 Т/х «Ауыл дәрігері»



07.00 «Разминка» (каз/рус)
07.15 «INSTA LIKE» (каз.)
08.00 Телехикая «Бақытсыздар бағы»

СӘРСЕНБІ

25 ҚАЗАН

QAZAQSTAN

РЕСПУБЛИКА КҮНІ
6:00 ӘНҰРАН
6:05 «ӘНИМ СЕН ЕДІН...»
7:00 «ТАՒШОЛПАН».
10:00 «ҚИЛЫ КҮНДЕР», ТЕЛЕХИКАЯ.



РЕСПУБЛИКА КҮНІ
05:00 ТЕЛЕХИКАЯ. "ПӘЛЕНШЕВТЕР 4"
07:00 ТИКЕЛЕЙ ЭФИРДЕ "ОЯНИ"

ASTANA TV

06.00 «ҚАРА ШАҢЫРАҚ» ТЕЛЕХИКАЯСЫ
07.40 «МАША И МЕДВЕДЬ»
08.50 «ОСМАН 2» ТҮРІК ТЕЛЕХИКАЯСЫ



ДЕНЬ РЕСПУБЛИКИ
6:00 «ПРАВДА О ДЕЛЕ ГАРРИ КВЕБЕРТА»
6:50 «ТОЙ БАЗАР» БАҒДАРЛАМАСЫ



ДЕНЬ РЕСПУБЛИКИ
07.05 «РУХЫ БИИК ҚАЗАҒЫМ», ЭСТАЙ
АЛИКЕВТИЦ ПАТРИОТТЫҚ ӘННІ КЕШІ

00:20 Ток-шоу "Қыздар-Ай"
01:20 Т/х «Құзғын»
02:20 Т/х «Ауыл мұғалімі»
03:00 Т/х «Қадам»



07.00 «Разминка» (каз/рус)
07.15 «INSTA LIKE» (каз.)
08.00 Телехикая «Бақытсыздар бағы» (каз.)

БЕЙСЕНБІ

26 ҚАЗАН

QAZAQSTAN

6:00 Әнұран
6:05 «Жәдігер»
6:25 AQRARAT
7:00 «ТАՒШОЛПАН».
10:00 AQRARAT



05:00 Телехикая. "Пәленшевтер 4"
07:00 Тікелей эфирде "Ояни"
10:00 "В фокусе"
10:25 Арнайы мими фильм.

ASTANA TV

06.00 «Ене» үнді телехикаясы
06.20 «Қара шаңырақ» телехикаясы
07.20 «Маша и медведь» Мультфильм

ШАҒАР ШЕЖІРЕСІ

«ГҮЛДЕРДІҢ» ГАСТРОЛІ

Осыдан тура елу жыл бұрын, 1973 жылдың жазында Целиноград қаласының «Тың игерушілер» сарайында (қазіргі «Астана» концерт залы) өнерлі жастардан құралған, елге белгілі «Гүлдер» ансамблінің концертті өтті. Өнер ұжымы 13-15 шілде күндері үш күн бойы көрермендердің сусынын қандырды.



Аталған оқиғадан төрт жыл ілгері ғана Қаз КСР халық әртісі Гүлжиһан Ғалиева құрған ансамбль құрамына болашағы бар талантты өнерпаздар қабылданды. Арқа төсіне гастроль барысында ауқымды бағдарлама ұсынылды. Қазақтар ұлттық әндері мен эстрада қалықтап, бишілер түрлі билерді биледі, концерттік бағдарламаға,

тіпті цирк нөмірлері енгізілді. Бұған осы оқиғаны тарих үшін таңбалаған «Ақмолинская правда» газетінің фототілшісі Нұрмұхамет Имамовтың суреттерінен көз жеткізуге болады. Бірнеше суреттен Қазақстанның халық әртісі, Мемлекеттік сыйлықтың лауреаты, профессор Қайрат Байбосыновты танимыз. Осыдан жарты ғасыр бұрын сол уақытта

жиырма жастан енді асқан Қайрат Әукенұлы «Гүлдердің» әншісі ретінде Целиноградқа келіп, көрермендердің құлақ құрышын қандырып, жан сарайын ашты. Ал «Гүлдер» ансамблі қазір де бар. Осы күндері жаңарған қалыпта Роза Бағланова атындағы «Қазақконцерт» мемлекеттік концерттік ұйымының құрамында жұмыс істеп жатыр.

